

RIEHTIMINISTERIÖ TIEDEET

18.6.2018

lävtut ive 2018 Demokratiapalhâšume uázžoo – teeman demokratia- já olmoošvuoigâdvuotâšoddâdem

Riehtiministeriö ive 2018 Demokratiapalhâšume teeman lii demokratia- já olmoošvuoigâdvuotâšoddâdem. 10 000 euro árvusii palhâšume puáhtá miedettiđ oovtá tuáimei, kote ovdâstit aalmugjeessânohtsâškode, tâi tom puáhtá jyeiđ maangâ tuáimee kooská. Palhâšume uázžoid puáhtá iävtuttiđ porgemáánu 20. peeivi räi.

Demokratiapalhâšume ulmen lii pyehtiđ oovdân já jyeiđ aalmugjeessânohtsâškode šiev pargovuvijđ demokratia- já olmoošvuoigâdvuotâšoddâdem ovdedem várás. Palhâšuumijn lii siämmást meid ulmen kijtteđ taid tuáimeid, kiäh pargeh demokratia- já olmoošvuoigâdvuotâšoddâdem syergist.

Palhâšume uázžon iävtuttum toimâ puáhtá leđe ovdâmerkkân taggaar škovlim, šoddâdem tâi tiedettem, mii viggá adeliđ ulmuid tile ovdediđ jieijâs jurdâččem- já toimâmvuovijđ olmoošvuoigâdvuotâi uáinust mietimielâlii kulttur kuávlun. Tot puáhtá viggâđ meiddei adeliđ ulmuid tile kevttiđ já piäluštiđ jieijâs demokraatlijđ vuoigâdvuotâid já kenigâsvuotâid ohtsâškodeest, mon siste lii tárbun anneeđ áárvust maangâlágánvuotâ.

Palhâšumnáál tuáimeid väljee räädi, moos kuullâv president **Tarja Halonen** já professor **Arto Kallioniemi** Helsig ollâopâttuvâst. Palhâšume juáhhoo Demokratiapeeivi ohtâvuotâst roovvâdmáánu 9. peeivi.

lävtuttâsah palhâšume uázžoi várás váldojeh vuástá 18.6.-20.8. šleđgâhäämist čujottâsâst www.otakantaa.fi/fi/hankkeet/247/ já poostâ peht čujottâsâst Oikeusministeriö/kirjaamo, PL 25, 00023 Staatâräädi (kuásástállâmčujottâs Ritarikatu 2 B, Helsig).

Riehtiministeriö Demokratiapalhâšume juáhhoo tääl viidâd tove. Taan ive riehtiministeriö ohtsâšpargokyeimin láá máttááttâs- já kultturministeriö, Staatâ nuorâiräädi, Máttááttâshaldâttâs, Olmoošvuoigâdvuotâkuávdáš já Historjá já ohtsâškodeoopâ máttáátteijei litto HYOL ry.

Lasetiäđuh:

äššitobdee Liisa Männistö (18.6.-13.7. já 6.-20.8.), p. 0295 150231
eromâšäššitobdee Maria Wakeham-Hartonen (18.-28.6. já 9.-20.8.), p. 0295 150416
ráđádellee virgeolmooš Heini Huotarinen (16.7.-3.8.), p. 0295 150127
Riehtiministeriö šleđgâpostâčujottâsah láá häämist ovdânommâ.suhânommâ@om.fi

Lase tiäđuh Demokratiapalhâšumeest riehtiministeriö viermisijđoin
<https://oikeusministerio.fi/seuranta-ja-edistaminen1>